



Isu Tematiku Seitor Siguransa Iha Tinan 2014 "Resposta no dezafiu ba futuru"

Mahein Nia Lian Nú. 95, 29 Janeiru 2015



Relatoriu Fundasaun Mahein Nia Lian ne'e suporta husi povu Amerikanu liu husi Ajénsia Estadus Unidus ba Dezenvolvimentu Internasional (USAID) no Embaxada Finlandia iha Jakarta.

Vizaun husi autor sira ne'ebé expresa iha públikasaun relatoriu sira ne'e la representa vizaun husi Ajénsia Estadus Unidus ba Dezenvolvimentu Internasional (USAID) no Embaxada Finlandia.



Website: www.fundasaunmahein.org



Kontiudu sira

Intodusaun	3
Relatoriu nia fundamentu	3
Metodolojia	3
Asuntu Tematiku husi relatoriu FM	3
1. <i>Osamentu no gastus iha seitór siguransa</i>	3
2. <i>Dezempeñamentu PNTL</i>	5
3. <i>“Discipline and behavior “ membru F-FDTL no PNTL</i>	6
4. <i>Situasaun siguransa fronteira</i>	7
5. <i>Krime organizadu</i>	9
6. <i>Problema siguransa seluk</i>	11
Konkluzau	12
Rekomendasaun	12
Bibliografia	13

Introdusaun

Konforme introduz tiha ona iha Planu Estratéjiku Dezenvolvimentu Nasional – PEDN¹ no Programa V Governu² Konstitusional define katak Governu sei asegura siguransa nasional liu husi dezenvolve instituisaun defeza no siguransa. Klaru katak Governu sei iha dezafiu barak hodi profesionaliza instituisaun militar no polisia maibe kontinua iha komitmentu hodi dezenvolve instituisaun militar no polisia atu bele garante situasaun siguransa iha rai-laran.

Fundasaun Mahein – FM nu'udar organizasaun sosiedade Sivil ne'ebé tau matan ba asuntu Defeza no Siguransa afirma mos nia pozisaun hodi kontribui ba situasaun siguransa no estabilidade nasional. Liu husi estudu durante tinan 2014. Estudu ne'e kona-bá progresu no dezafiu sira iha seitor siguransa. Hamutuk ho rekomendasaun pretente sira ba Governu nu'udar parte ida kontribui ideia ba dezenvolvimentu seitor siguransa nian.

Relatoriu ida ne'e ho intensaun atu konklui fila fali estudu sira ne'ebé FM halo durante tinan 2014. Estudu hirak ne'e ligasaun ho isu siguransa nasional nomos kestaun tematiku ne'ebé sai nu'udar dezafiu no ameasa ba siguransa nasional. Inklui relata Governu nia komitmentu polítika liu husi finansiamentu no polítika bilateral hodi dezenvolve seitor siguransa.

Relatoriu nia fundamentu

Fundamentu husi relatoriu ida ne'e hakarak halo rezumu fila fali estudu sira iha tinan 2014 ne'ebé toka iha asuntu oin-oin. Topiku sentral sira ba situasaun siguransa 2014 ne'ebé FM hakarak konklui iha relatoriu ne'e maka kestaun disiplina membru militar no polisia, krime organizadu, situasaun siguransa iha fronteira, alokasaun osamentu no ninia ezekusaun, dezempeñamentu no profesionalizmu PNTL inklui topiku relevante seluk.

Metodolojia

Metodolojia ne'ebé adopta hodi konklui relatoriu ida ne'e liu husi rekolla informasaun no literatura sira ne'ebé públika dahuluk ona husi NGO nasional, Intenasional no media sira. Nune'e mos dokumentu ofisial sira iha portal Governu nian inklui rezumu husi relatoriu FM ne'ebé públika ona tinan 2014. Diskusaun *Security Sector Development – SSD* iha nivel ekipa peskizador no konversaun formal no informal.

Estudu ida ne'e la'os relata deit rezumu kritiku sira maibe mensiona mos asaun pozitivu sira ne'ebé Governu halo ona hodi dezenvolve instituisaun defeza no siguransa. Nune'e mos atu relata *feedback* ba rekomendasaun sira husi FM nu'udar rezultadu peskiza ba asuntu sira ne'ebé iha ligasaun ho progresu no dezafiu ba situasaun siguransa iha Timor-Leste.

Asuntu tematiku husi relatoriu FM

1. Osamentu no gastus iha seitor siguransa

Problema politika alokasaun osamentu no ninia gastu sira iha institusaun defeza no siguransa nu'udar kesatun tematiku ida ba FM nia estudu 2014. Liu husi estudu FM konsege hasai

¹ RDTL. (2011). PLANO ESTRATEGICO DE DESENVOLVIMENTO 2011 – 2030. p199 & 207.

² RDTL. (2012, Agosto 26). PROGRAMA V GOVERNO CONSTITUCIONAL NIAN, 2012--□2017. p71.



relatoriu rua ne'ebé iha ligasaun ho alokasaun osamentu no ninia ezekuasaun. FM konsidera laiha transparansia no sistema aprovizionamentu ne'ebé ladiak. Liu-liu ezekuasaun osamentu ba projeitu sira iha seitór siguransa, sosa kilat no hadi'a infra-estrutura ba PNTL.

Iha Juñu 2014, FM hasai relatoriu dahuluk kona-bá alegasaun korupsaun no abuzu poder iha instituisaun siguransa. Asuntu sira ne'ebé sai pontu importante husi relatoriu maka kona-bá ezekuasaun Osamentu Jeral Estadu – OJE 2013, liu-liu relasaun ho konkursu ne'ebé ho sistema ajudikasaun direta. Nune'e mos fo kritika ba kualidade kilat no fardamentu ba polisia ne'ebé Governu sosa.³

Liu tiha fulan ida, iha Jullu 2014, FM hasai tan relatoriu ida ne'ebé halo análiza espesifiku ba politika Governu ne'ebé kontinua deside sosa kilat iha nasaun viziñu Indonezia. Pontu kritiku husi relatoriu ne'e relata problema kontratu sosa kilat ho Kompañia Indonezia PT. PINDAD. Inklui kestaun kualidade no involvimentu kompañia fa'an kilat ilegal. Isu estratejiku seluk kona-bá paz no hakmatek entre Timor-Leste ho Indonezia.⁴

FM nia estudu deskobre katak ezekuasaun OJE iha seitór siguransa 2013 maizumenus projeitu 209 la tuir konkursu públiku, mai ho tipu ajudikasaun direta deit.⁵ Nomos iha indikasaun korupsaun sosa kilat husi indonezia tanba laiha kualidade.⁶ Relatoriu Transparansia Internasional – TI fo lista mean ba Timor-Leste nu'udar nasaun koruptu.⁷ Iha ne'ebé sai preokupasau Parlamentu Nasional Komisaun A ba asuntu lei no boa governasaun tanba konsidera estraga ona imajen Timor-Leste iha mundu internasional.⁸

Maske nune'e Governu kontinua iha komitmentu atu kombate korupsaun no promove boa-governasaun iha Timor-Leste. Pratikamente liu husi hari'i instituisaun hanesan Komisaun Anti Korupsaun, Provedoria Diretus Umanus no Justisa inklui Prekursor Jeral Repúblika atu kolabora hamutuk hodi kombate korupsaun iha Timor-Leste.⁹

Maske nune'e, públiku kontinua duvida ho seriedade Estadu no Governu atu kombate korupsaun. Organizasaun Global Parlamentar Luta Kontra Korupsaun (GOPAC) Timor-Leste konsidera desizaun politika husi ukun-na'in sira hodi fó indultu ba prizioneiru koruptor sira sei

³ Fundasaun Mahein. (2014, Juñu 26). Alegasaun Korupsaun no Abuzu Puder iha Instituisaun Siguransa. Mahein Nia Lian. Nú. 81. http://www.fundasaunmahein.org/wpcontent/uploads/2014/06/MNL_Nu.81_26062014_Alegasaunpdf.pdf

⁴ Informasaun kona-bá politika sosa kilatiha Indonezia bele asesu iha link ne'e; http://www.fundasaunmahein.org/wp-content/uploads/2014/07/MNL_Nu.82_24072014_Politika-sosa-Kilatpdf.pdf

⁵ Atu hatene kompletamente kona-bá kestaun ne'e bele loke liha link ne'e; <http://www.fundasaunmahein.org/2014/03/31/nota-importante-ih-ezekuasaun-oje-2014-ba-seitor-defeza-no-siguransa-prespetiva-sosiedade-sivil/>

⁶ SAPO. (2012, Agostu 22). PN Preokupa Kilat Ba PNTL Laiha Kualidade. Notisia SAPO Online; <http://noticias.sapo.tl/tetum/info/artigo/1264743.html>

⁷ Gusmão, Timotio. (2014, Dezembru 12). Tama Lista Mean, Governu Husu TI Tenki Diskuti Kombate Korrupsaun. Media STL. <http://suara-timor-lorosae.com/tama-lista-mean-governu-husu-ti-tenki-diskuti-kombate-korrupsaun/>

⁸ Ximenes, Carme. (2014, Dezembru 15) Korupsaun Hafoer Imajen TL. Media STL. p1.

⁹ Ximenes, Carme. (2014, Dezembru 15) Korupsaun Hafoer Imajen TL. Media STL.p1.



hafraku komitmentu atu kombate korupsaun.¹⁰ Desizaun sira ne'e halo komidade fo kritika maka'as ba komitmentu Estadu no Governu atu luta kombate korupsaun.¹¹

Parlamentu Nasional Komisaun B iha komitmentu atu estabelese Komisaun Inkeretu hodi halo investigasaun ba alegasaun korupsaun iha seitór siguransa, partikularmente projeitu sira ne'ebé ho tipu ajudikasaun direta.¹²

2. *Dezempañamentu PNTL*

Problema dezempañamentu instituisaun PNTL sai mos asuntu tematiku ba FM hodi halo estudu durante tinan 2014. Relasiona ho públiku lakon nia konfiansa ba instituisaun PNTL wainhira monu ba krize 2006, sai teste boot ba dezempañamentu instituisaun polisia nian iha momentu ne'eba. Governu nia esforsu hadi'a ona buat balun no kestaun balun kontinua sai "*Traballho da Casa*" hodi rezolve iha futuru.

Bazeia ba kestaun hirak ne'e, FM halo estudu ba asuntu tematiku sira ne'ebé iha ligasaun ho dezempañamentu PNTL, liu-liu politika instituisaun iha prosesu aprosimasaun ho komidade liu husi estabesementu polisiamentu komunitariu nomos asaun seluk ne'ebé lori konfiansa komidade hodi serbisu hamutuk ho komidade. Nune'e asuntu seluk ne'ebé bele sai ameasa ida ba dezempañamentu PNTL intermus ezekusaun lei no orden, efetividade serbisu intelejensia inklui mos pratika KKN¹³ ne'ebé prejudika naran diak instituisaun polisia nian.

Relatoriu seluk ninia pontu kritiku ne'ebé nu'udar dezafiu ba dezempañamentu instituisaun PNTL maka imparcialidade elementu polisia wainhira halo atuasaun ruma. Kazu violasaun diretus umanus ne'ebé membru PNTL komete durante ne'e estraga imajen instituisaun.¹⁴

Kestaun tematiku seluk maka kona-bá promosaun extra-ordinariu PNTL. Relatoriu fo kritika ba iregularidade promosaun extra-ordinariu ne'ebé mosu iha instituisaun PNTL. Iha ne'ebé públiku lakon konfiansa ba instituisaun PNTL tanba konsidera halo pratika KKN. Iha ne'ebé membru PNTL balun halo petisaun no ameasa atu sai husi instituisaun relasiona sistema promosaun ne'ebé la justu no kredivel.¹⁵

Situasaun hirak ne'e sai nu'udar provas negativu ba dezempañamentu instituisaun PNTL. Iha ne'ebé Parlamentu Nasional Komisaun B kestiona maka'as no sei bolu Prezidenti Komisaun Promosaun Extra-Ordinariu PNTL hodi bele hadi'a diak liu tan iha futuru.¹⁶ Komandu PNTL rasik hahu lansa ona Serbisu Avaliasaun Dezempañamentu – SAD hodi bele hadi'a diak liu tan

¹⁰ Ximenes, Lorencio. (2014, Setembru 10). GOPAC-TL Konsidera Desizaun Taur Hafraku Sistema Justisa. Media INDEPENDENTE. Bele asesu mos iha link ne'e;

<http://www.timorhauniandoben.com/2014/09/gopac-tl-konsidera-desizaun-taur.html>

¹¹ May. (2014, Setembru 24). Komidade Laga Kritika PR Taur. Media Diariu Nasional. Bele asesu mos iha link ne'e; <http://www.timorhauniandoben.com/2014/09/komunidade-laga-kritika-pr-taur.html>

¹² Dias, David. (...2014). Prezidenti Komisaun B PN. Diskusaun Formal ho ekipa FM wainhira halo apresentasaun iha sala Komisaun B.

¹³ Korupsaun Koluzaun no Nepotizmu - KKN

¹⁴ Fundasaun Mahein. (2014, Juñu 26). Operasaun Habelun: Reintegra ka Ameasa?. Mahein Nia Lian. Nú. 80.

¹⁵ Relatoriu ne'e lansa husi prezidenti Komisaun B Parlamentu Nasional no publika tiha ona iha portal official www.fundasaunmahein.org

¹⁶ Kestaun ne'e hato'o husi Prezidenti Komisaun B Parlamentu Nasional David Dias iha lansamentu relatoriu kona-bá iregularidade promosaun Extra-ordinariu PNTL.

erru sira ne'ebé akontese tiha ona. Ho nune'e, bele manan fila fali konfiansa públiku kona-bá dezempeñamentu instituisaun iha ambitu siguransa interna.¹⁷

Politika seluk maka Governu dadaun dezenvolve no fortifika polisiamentu komunitaria liu husi hari'i Konsellu Polisiamentu Komunitaria – KPK iha distritu no suku nu'udar parte ida atu hakbesik an ba comunidade hodi bele manan fila fali konfiansa husi povu nu'udar instituisaun ne'ebé garante siguransa rai-laran nian. Relatoriu Fundasaun Azia relata katak dezempeñamentu PNTL hatudu ona sinal pozitivu hahu iha 2013¹⁸.

Maske nune'e, to'o ohin loron comunidade balun seidauk tau konfiansa ba instituisaun PNTL, liu-liu vitima sira atu hato'o keixa wainhira hetan torturasan ka baku husi comunidade. Maioria vitima lori fali nia kazu ba Parlamentu Nasional Komisaun B tanba ladun fiar PNTL no la imparzial wainhira halo investigasaun ba kazu ruma ne'ebé involve elementu polisia.¹⁹ Faktus ida maka comunidade Lautem hato'o keixa ba PN tanba hetan baku husi membru PNTL iha eskuadra Lautem.²⁰

3. *“Discipline and behavior “ membru F-FDTL no PNTL*

Asuntu disiplina no hahlok diak membru militar no polisia sai mos asuntu tematiku ne'ebé FM toka iha 2014. Iha ne'ee sai nu'udar isu siguransa ne'ebé públiku no FM rasik kestiona iha momentu ne'eba. Relatoriu barak husi NGO nasional no internasional diriji kritika kro'at ba instituisaun militar no polisia, relasiona ho atetude elementu balun ne'ebé la obdese ba lei no regulamentu hodi prejudika ba naran diak no prestiju instituisaun.²¹

Liga ba kestaun refere, iha 2014 FM konklui relatoriu hirak ne'ebé ninia baze análiza relasan disiplina membru militar no polisia. Feveiriu 2014, FM halo estudu ida kona-bá sasidik sira ne'ebé membru polisia komete durante atuasaun. Estudu ida ne'e kestiona maka'as atuasaun brutal membru militar no polisia hasoru comunidade ne'ebé viola lei no regulamentu instituisaun nian.²²

Asuntu komprimentu disiplina membru F-FDTL – PNTL ba lei no regulamentu instituisaun nian. Iha ne'ebé pontu análiza fo kritika ba infrasaun disiplinár ne'ebé membru militar no polisia komete.²³ Inklui prosesu demisaun husi Superior instituisaun F-FDTL – PNTL hasoru ninia elementu sira ne'ebé indisiplinadu no komete krime. Nomos halo *review* ba implementasaun demisaun hasoru elementu sira.²⁴

¹⁷ PNTL. (2014, Dezembru 23). [Komandu PNTL lansa Servisu Avaliasaun Dezempeñu. Media PNTL.](http://www.pntl.tl/2014/12/23/komandu-pntl-lansa-servisu-avaliasaun-dezempenu/) <http://www.pntl.tl/2014/12/23/komandu-pntl-lansa-servisu-avaliasaun-dezempenu/>

¹⁸ Fundasaun Azia. (2013). Levantamentu Kona-bá Polisia Komunitade iha Timor-Leste. p46.

¹⁹ Informasaun kompletu bele asesu iha link ne'e; http://www.fundasaunmahein.org/wp-content/uploads/2014/03/MNL_Nu.73_20032014_DALAN.pdf

²⁰ Marques, Triponio. (2014, Dezembru 16). Komunitade Lautem Keixa PNTL ba PN. Media INDEPENDENTE.

²¹ May. (2014, Dezembru 18). Membru F-FDTL Balun Indisiplinadu. Media Diariu Nasional. p14.

²² Fundasaun Mahein. (2014, Feveiriu 24). Sasidik Sira iha Ezekusaun Lei no Ordem Iha Ambitu Atuasaun PNTL. Dokumentu kompletu iha link ne'e; http://www.fundasaunmahein.org/wp-content/uploads/2014/02/MNL_Nu.70_20022014_Ezekusaun1.pdf

²³ Fundasaun Mahein. (2014, Feveiriu 26). Komprimentu Disiplinar Dezafiu ba Instituisaun PNTL no F-FDTL. Bele lee kompletu iha link ne'e; http://www.fundasaunmahein.org/wp-content/uploads/2014/02/MNL_Nu.71_26022014_Komprimentu.pdf

²⁴ Lee relatoriu kompletu iha link ne'e; http://www.fundasaunmahein.org/wp-content/uploads/2014/08/MNL_Nu.-83_1902014_Demisaun-F-FDTLpdf.pdf



Pontu prinsipal seluk maka kestaun funksionamentu orgaun investigasaun no kontrolu ba instituisaun militar no polisia. Baze análiza maka efetividade serbisu orgaun investigasaun sira hanesan Serbisu Investigasaun Kriminal–SIK, PDHJ, Parlamentu Nasional Komisaun B, ogaun Judisiariu, Organizasaun ba direktus umanus no sosiadade sivil sira seluk ne'ebé luta ba direktus umanus nian.²⁵

Depois públikasaun relatoriu hira iha tinan kotuk, problema foun kona-bá disiplina kontinua akontese to'o ohin loron. Problema disiplina no profesionalizmu elementu militar no polisia nafatin hetan notas mean²⁶ iha comunidade relasiona ho violasaun direktus umanus. Iha ne'ebé lideransa instituisaun militar no polisia kondena maka'as hahalok ne'e.²⁷

Governu no instituisaun kontinua halo esforsu hodi hadi'a no reforma disiplina elementu militar no polisia. Liu husi desizaun rigrozu sira ne'ebé Komandu Superior instituisaun F-FDTL – PNTL foti hodi halo demisaun iha tinan 2014 nia rohan.²⁸ Reasaun pozitivu seluk maka Governu iha ona komitmentu hodi fortifika disiplina no hadi'a rekursu umanu, partikularmente iha setór siguransa nian.²⁹

Nune'e mos iniciativa pozitivu husi orgaun Estadu seluk hanesan PDHJ ne'ebé kontinua dezenvolve matadalan direktus umanus atu bele tulun elementu militar no polisia kompriende lei hodi hases an husi aktu premanizmu inklui obdese ba lei no regulamentu instituisaun nian.³⁰

Husi asaun konkretu sira husi Governu atu hadi'a no reforma disiplina membru F-FDTL – PNTL ne'ebé relata iha leten, FM hakarak kongratula no apresia. Nune'e mos Parlamentu Nasional Komisaun B ne'ebé durante ne'e konsidera FM hanesan parseiru diak hodi fo ideia atu hadi'a disiplina no profesionalizmu elementu militar no polisia.

4. Situasaun siguransa fronteira

Problema situasaun siguransa iha fronteira Timor-Leste sai mos pontu prinsipal ba FM iha tinan 2014. Relasiona ho problema frajilidade siguransa no problema tematiku seluk hanesan liña fronteira ne'ebé to'o ohin loron seidauk klaru sai ameasa ba soberania nasaun. Kestaun frajilidade instituisaun siguransa intermuz rekursu umanu, facilidade no ekipamentu sai mos pontu dezafiu ba siguransa iha liña fronteira.

Buat hirak ne'e sai baze fundamentu ba FM hodi halo estudu ida hodi hasai relatoriu rua ne'ebé esplika dezafiu no ameasa sira ba situasaun siguransa iha fronteira. Iha ne'ebé FM produz relatoriu ida fulan Abril 2014 hasai relatoriu ida koalía kona-bá efetividade Serbisu Migrasaun nian.³¹

²⁵ Relatoriu ne'e publika ona iha portal ofisila FM iha tinan 2014. Bele asesu iha link ne'e; <http://www.fundasaunmahein.org/2014/08/28/se-maka-responsabiliza-membru-pntl-neebe-komete-krimel/>

²⁶ Nax. (2014, Novembru 05). Komunitade Keixa PNTL ho F-FDTL ba PDHJ. Media Diariu Nasional. <http://www.jndiario.com/2014/11/05/komunitade-keixa-pntl-ho-f-ftdl-ba-pdhj/>

²⁷ Jxn. (2014, Dezembru 19). Militar Tenki Disiplina. Media Timor Post. p1.

²⁸ Fundasaun Mahein. (2014, Agostu 19). Demisaun Membru F-FDTL - PNTL: Nu'udar Reformasaun Disiplina?. Mahein Nia Lian Nú. 83.

²⁹ RDTL. (2014). Dezenvolve Rekursu Umanu Importante ba F-FDTL. Jornal Defeza. p12-13.

³⁰ Jos. (2014, Novembru 05). PDHJ-PNTL Dezenvolve Manual Direktus Umanus. Media Timor Post.

³¹ Relatoriu ne'e públika ona iha 2014 no bele asesu iha www.fundasaunmahein.org



Nune'e mos iha fulan Outobru 2014, FM produz tan relatoriu seluk ne'ebé relata dezafiu no ameasa sira iha liña fronteira. Liu-liu kestiona rekursu umanu Unidade Polisia Fronteira – UPF, Serbisu Migrasaun, Komersiu, Alfandega no Karantina. Relata mos violasaun uza “border pass” nomos kestiona problema tuan sira hanesan atividade negosiu (bazar) la organizadu iha fronteira no kesatun seluk ne'ebé fo ameasa ba situasaun siguransa rai-laran.³²

Husi relatoriu rua ne'e, FM konklui ho rekomendasaun pretente sira ba Governu atu buka solusaun. Husu Ministéru kompetete atu apoiu osamentu hodi hadi'a no dezenvolve diak liu tan rekursu umanu, facilidade no ekipamentu sira atu nune'e bele fasilita diak liu tan serbisu autor siguransa sira iha liña fronteira.

Klaru katak rezultadu husi estudu ne'e seidak lori mudansa signifkante ba situasaun siguransa iha fronteira. Maibe, FM hakarak kongratula ba asaun sira husi Governu ne'ebé hahu dadaun ona foti desizaun politika hodi rezolve. Faktus ida maka Sekretariu Estadu Siguransa – SES liu husi Osamente Jeral Estadu 2015 aloka ona osamentu hamutuk \$27, 963 ba PNTL hodi bele responde ba difikuldade sira ne'ebé instituisaun siguransa infrenta durante ne'e iha fronteira.³³

Iha 2015, Governu sei dezenvolve kapasidedade instituisaun Serbisu Migrasaun liu husi hadi'a rekursu umanu, apoiu facilidade inklui mos sei fortifika estratejia operacional nian. Aselera ba efektividade serbisu hodi kontrola diak liu tan sirkulasaun ema no sasan iha postu Serbisu Migrasaun sira iha fronteira trestre, aeroportu, portu no martima.³⁴

Sei halo mos formasaun espesializada iha area serbisu siguransa no atendentu ordem públiku nian. Inklui sei moderniza ekipamentu polisia UPF hodi bele apoiu ba serbisu operacional nian iha area fronteira no atendentu ba situasaun ameasa interna nian.³⁵ Kompleta mos ba facilidade sira hanesan radio komunikaun, binókolus, lampada, gravador no seluk tan ne'ebé durante ne'e sai dezafiu ba serbisu UPF nian.³⁶

Parte Sebisu Migrasaun rasik hato'o ona proposta ba Governu atu bele kompleta facilidade hanesan sistema *data base online* ba postu Serbisu Migrasaun sira iha liña fronteira ne'ebé seidak estabelese. Dadaun ne'e iha deit postu Serbisu Migrasaun iha Mota-Ain no Aeroportu Internasional Nicolau Lobato – Dili.³⁷

Asuntu seluk, FM kontinua husu ba Governu Timor-Leste, liu husi Ministeriu Negosius Estranjeirus no Kooperasaun – MNEK hodi kontinua diskute ho Governu Indonezia atu bele rezolve lalais disputa rai iha liña fronteira. Tanba liña fronteira entre Timor-Leste no Indonezia ne'ebé to'o ohin lora seidak klaru fo implikasaun ba siguransa iha liña fronteira.³⁸ Iha ne'ebé

³² Relatoriu kompletu bele asesu iha link ne'e; http://www.fundasaunmahein.org/wp-content/uploads/2014/10/MNL-Nu.88_231012014_Siguransa-Fronteira_Versaun-Tetum.pdf

³³ Informasaun kompletu kona-bá alokasau OJE ba PNTL bele asesu iha portal ofisial FM; www.fundasaunmahein.org

³⁴ Fundasaun Mahein. (2014, Novembru 06). Pareser ba Komisaun B Parlamentu Nasional Konabá Proposta Orsamentu Jeral Estadu 2015 Ba Seitor Siguransa. <http://www.fundasaunmahein.org/wp-content/uploads/2014/11/Microsoft-Word-PARESER-OJE-2015-MDS-FINAL.pdf>

³⁵ Politika ne'e relata ona iha Livru 2, OJE 2015. Planu Asaun Anual ba PNTL. P155.

³⁶ Esplika tiha ona iha Livru 2, OJE 2015. Planu Asaun Anual ba PNTL. p156.

³⁷ Alves, Pasqal. (2014, Janeiru 19) Xefi Administrasaun Serbisu Migrasaun. Talk show iha Radio Liberdade.

³⁸ Fundasaun Mahein. (2014, Outobru 23). Sasidik no Tentativa Siguransa iha Fronteira Terestre Timor-Leste. http://www.fundasaunmahein.org/wp-content/uploads/2014/10/MNL_Nu.88_231012014_Siguransa-Fronteira_Versaun-Tetum.pdf



durante monitorizasaun Fundasaun Mahein 2014 deskobre katak sempre mosu konfliktu entre comunidade Timor-Leste ho Indonezia reliona ho hadau malu rai.³⁹ Nune'e mos ho liña fronteira ne'ebé seidak klaru implika mos planu patrollamentu Unidade Polisia Fronteira hodi halo vizilansia.⁴⁰

5. *Krime organizadu*

Tinan 2014, asuntu krime organizadu sai pontu tematiku siguransa nian ba FM hodi halo estudu. Iha ne'ebé to'o ohin loran sai asuntu diskusaun importante iha sosiedade Timor-Leste. Evidensia barak hatudu ona katak droga kontinua sai ameasa ba Timor-Leste.

Ho nune'e, iha fulan Abril 2014, FM hasai relatoriu ida kona-bá kapasidade instituisaun siguransa luta kontra krime organizadu. Pontu análiza husi estudu maka ameasa no impaktu droga ba Timor-Leste. Iha ne'ebé faktus foun sira husi trafiku droga hahu halo nia knuk iha Timor-Leste no hetan ameasa maka'as ba foinsa'e sira.⁴¹

Relatoriu seluk maka FM hasai iha Setembru 2014 ne'ebé hare'e kle'an ba faillansu sira iha seitor siguransa hodi fo biban grupu krime organizadu kontinua buras iha Timor-Leste. Pontu análiza husi relatoriu ne'e relata kona-bá droga, falsifikasaun dokumentu, operasaun mafia, sirkulasaun osan falsu, *Money Laundering*. Inklui mos mensiona krime organizadu global hanesan terorizmu.⁴²

Husi relatoriu rua ne'e, FM konklui katak Governu tenki kria lalais lei nasional kona-bá anti droga inklui mos atu fortifika sistema siguransa iha fronteira hodi bele evita sirkulasaun droga mai Timor-Leste. Tanba, frajilidade siguransa fronteira fo oportunidade ba rede krime organizadu hodi halo sirkulasaun droga no movimenta mai iha rai-laran.

Governu halo ona esforsu barak hodi kombate. Justifika liu husi politika nasional inklui mos kooperasaun bilateral, partikularmente ho nasaun vizinu Indonezia. Pratika konkretu ida maka kooperasaun entre instituisaun PNTL ho KBRI⁴³ Indonezia iha Timor-Leste hodi kombate krime organizadu.⁴⁴

Liu husi meus fahe informasaun no realiza seminar nasiona no internasional kona-bá kombate droga no krime organizadu iha Timor-Leste.⁴⁵ Asaun no estratejia hirak ne'e hetan reasaun pozitivu husi públiku maske sei iha obstaklu sira hanesan rekursu umanu no fasilidade ne'ebé

³⁹ Kazu konfliktu kona-bá rai kontinua akontese iha tinan 2014, iha Naktuka - Oe-Cusse

⁴⁰ Preokupasaun hirak ne'e hato'o husi komandante UPF sira iha fronteira ba Fundasaun Mahein durante halo monitorizasaun iha 2014, hahu husi Suai, Malina no Oe-Cusse.

⁴¹ Fundasaun Mahein. (2014, Abril 07). Ameasa Droga Dezafiu ba Instituisaun Siguransa atu Kombate. Mahein Nia Lian Nú. 74.

⁴² Fundasaun Mahein. (2014, Setembru 30). Lakunas Siguransa Timor-Leste: Atraku ba Krime Organizadu. Mahein Nia Lian Nú. 87.

⁴³ Kedutaan Besar Republik Indonezia - KBRI

⁴⁴ Horta, Madalena & Ferreira, Sonia. (2013, Dezembru 05). TL-Indonesia Hamutuk Kombate Krime Organizadu. Media STL. <http://jornal.suara-timor-lorosae.com/tl-indonesia-hamutuk-kombate-krime-organizadu/>

⁴⁵ RDTL. (2013, Novembru 28). PNTL ho POLRI koopera kombate krime organizadu. Pajina Governu. <http://timor-leste.gov.tl/?p=9460&lang=tp>



modernu atu apoiu serbisu instituisaun nian.⁴⁶ Esforsu PNTL ne'ebé kontinua halo serbisu maka'as hodi hodi kaptura autor droga sira.⁴⁷

Nune'e mos esforsu Governu liu husi Konsellu Ministru ne'ebé aprova ona proposta lei kona-bá kombate droga no trafiku umanu iha Timor-Leste.⁴⁸ Establesementu lei kombate droga ne'e nu'udar parte ida husi komprimisu Governu Timor-Leste ne'ebé ratifika ona Konvensaun ONU liu-liu kona-bá Trafiku Ilegal Droga nian no Substansia Psikotropika tinan 1998.⁴⁹

Instituisaun PNTL mos kontinua organiza dialogu importante ho Badan Nasional Narkotika – BNN no Sositade Sivil iha tinan 2014 nia rohan hodi diskute mekanizmu kombate droga no krime organizadu iha Timor-Leste.⁵⁰ Nomos PNTL kontinua fahe informasaun ho TNI iha fronteira kona-bá asuntu droga no krime organizadu.⁵¹ Inklui monta ona postu serbisu integradu entre PNTL no BNN iha Belu – NTT hodi kontrola droga.⁵²

Parte seluk, instituisaun PNTL mos kontinua asegura siguransa fronteira liu husi monta postu integradu sira iha area identifikadu ne'ebé konsidera sai fatin transaksaun droga no movimentu grupu krime organizadu.⁵³ Governu mos kontinua hadi'a rekursu umanu no moderniza ekipamentu no fasilidade Serbisu Migrasaun hodi bele kontrolu diak liu tan sirkulasaun droga movimentu ema tama-sai fronteira.⁵⁴ Maibe atu kombate krime droga presiza involve ajente Estadu tomak, la'os instituisaun PNTL ka ministeriu relevante sira.⁵⁵

FM kontinua husu ba Governu no instituisaun PNTL iha futuru presiza serbisu hamutuk ho comunidade no autoridade lokal sira atu bele hafasil ba polisia hodi identifika ema estranjeirus ne'ebé lori droga mai rai-laran.⁵⁶ Parte Serbisu Migrasaun deklara katak durante ne'e buka ona

⁴⁶ Ferreira, Sonia. (2013, Agostu 05). Rekursu Humanus PNTL Sei Menus, Atu Kontrola Atividade Droga. Media STL. <http://suara-timor-lorosae.com/rekursu-humanus-pntl-sei-menus-atu-kontrola-atividade-droga/>

⁴⁷ May. (2014, Dezembru 13). Sidadaun Singapura Ida, Deskonfia Autor Droga. Media Diariu Nasional.

⁴⁸ RDTL. (2014, Setembru 02). Proposta Lei Kona-bá Kombate ba trafiku no konsumu ilegal droga. Komunikadu Imprensa. <http://timor-leste.gov.tl/?p=10617&lang=tp>

⁴⁹ SAPO. (2014, Setembru 05). Governu timoroan aprova proposta lei kona-ba tráfico no konsumu droga. Bele asesu iha link ne'e; <http://noticias.sapo.tl/tetum/info/artigo/1408076.html>

⁵⁰ PNTL. (2014, Novembru 24). [PNTL-BNN no Sosiedade Sivil akordu hapara droga](http://www.pntl.tl/2014/11/24/pntl-bnn-no-sosiedade-sivil-akordu-hapara-droga/). Media PNTL. <http://www.pntl.tl/2014/11/24/pntl-bnn-no-sosiedade-sivil-akordu-hapara-droga/>

⁵¹ Ferreira, Sonia. (2013, Novembru 11). Kombate Droga iha TL, PNTL Fahe Informasaun ho TNI iha Fronteira. Media STL. <http://jornal.suara-timor-lorosae.com/kombate-droga-iha-tl-pntl-fahe-informasaun-ho-tni-iha-fronteira/>

⁵² Alo. (2015, Janeiro 22). Indonesia, Timor Leste to establish drugs control station. Media ANTARA NEWS. <http://www.antaranews.com/en/news/97480/indonesia-timor-leste-to-establish-drugs-control-station>

⁵³ Oliveira, Venidora. (2014, Februari 25). PNTL Sei Monta Postu UPF Iha Suko Lelobata. Media The Dili Weekly. <http://www.thediliweekly.com/tl/news/security-defencejustice/12088-pntl-to-set-upf-post-in-lelobata-village>

⁵⁴ May. (2014, Agostu 12). Migrasaun Menus Rekursus Humanus, Husu Komando PNTL Aumenta Membru 30. Media Diariu Nasional. <http://www.jndiario.com/2014/08/12/migrasaun-menus-rekursus-humanus-husu-komando-pntl-aumenta-membru-30/>

⁵⁵ Anibal, João. (2014, Dezembru 18). Kombate Droga, Ajente Estadu Tenki Mos. Media STL. p1.

⁵⁶ Myn. (2014, Dezembru 18). Fatin Tranzito Droga Internasional: FM Husu Polisia Kopera ho Hotel Nain. Media Timor Post. p18



esforsu balun hodi koopera hamutuk ho autoridade lokal no emprezariu sira hodi fornese informasaun kona-bá movimentu ema estranjeirus ne'ebé hakat tama mai Timor-Leste.⁵⁷

6. Problema siguransa seluk

Durante tinan 2014, FM mos foti asuntu sira seluk ne'ebé sai pontu tematiku ba isu siguransa iha Timor-Leste. Liu-liu kestaun Goevrnu kontinua forma instituisaun sivil ho kilat hanesan Komisaun Anti Korupsaun – KAK no Polisia Sientifiku Investigasaun Kriminal – PSIK. Iha ne'ebé PSIK nia natureza hanesan korpu superior polisia⁵⁸ no KAK hanesan orgaun polisia kriminal espesializada.⁵⁹

Isu tematiku seluk maka politika Governu atu hari'i Polisia Sientifika Investigasaun Kriminal – PSIK. Iha relatoriu ne'e, FM kestiona legalidade ba estabesementu oragun PSIK, salariu, finansiamentu no independensia orgaun investigasaun ida ne'e. Nune'e mos kestaun kompetensia atu uza no rai kilat ne'ebé konsidera halo kompetisaun ho institutisaun polisia.⁶⁰

Prezidenti Komisaun B Parlamentu Nasional rasik duvida ho estabesementu PSIK tanba konsidera Governu hari'i instituisaun ida iha instituisaun seluk nia leten.⁶¹ Nune'e mos lideransa balun iha PNTL ladun konkorda ho politika Governu hodi hari'i instituisaun PSIK ne'ebé fo kompetensia hanesan husi serbisu hirak ne'ebé durante ne'e PNTL halo. Liu-liu iha prosesu investigasaun ne'ebé durante ne'e tutela ba Serbisu Investigasaun Kriminal - PNTL.⁶²

Nune'e mos relatoriu balun kona-bá problema kilat iha Timor-Leste rekomenda katak Governu tenki tetu didiak wainhira estabese instituisaun sivil ho kilat. Tanba esperensia iha mundu hatudu katak wainhira númeru instituisaun sivil ka ema sivil aumenta kaer kilat bele fo impaktu ba siguransan nasional.⁶³ Enkuantu, situasaun Timor-Leste jestaun kilat seidak la'o diak no lei ba kilat ne'ebé sei fraku atu regula uzu kilat nian.⁶⁴

⁵⁷ Alves, Pasqual. (2015, Janeiru 19). Xefi Administrasaun Serbisu Migrasaun. Debate iha Radio Liberdade.

⁵⁸ Dekretu Lei Nú. 15/2014, lora 14 fulan Maiu. Orgánika Polisia Sientifika Investigasaun Kriminal – PSIK

⁵⁹ Lei Nú. 8/2009 de 15 de Julu, Lei Komisaun Anti Korupsaun (KAK).

⁶⁰ Relatoriu ne'e lansa husi Prezidenti Komisaun B Parlamentu nasional. Bele asesu relatoriu kompletu iha link ne'e; <http://www.fundasaunmahein.org/2014/09/25/politika-krisaun-polisia-sientifika-investigasaun-kriminal-psik-parseiru-no-ameasa-ba-institutisaun-siguransa/>

⁶¹ Kestaun ne'e Prezidenti Komisaun B PN, David Dias durante ninia intervensaun iha lansamentu relatoriu PSIK iha salaun eis CHVR Balide-Dili.

⁶² Lamentasaun ne'e hato'o husi Komandate Operasional PNTL, Armando Monteiro wainhira participa iha lasamentu relatoriu kona-b'a PSIK iha salaun eis CHVR Balide-Dili.

⁶³ Paker, Sarah. (2008, Agostu 11). KOMENTÁRIU KONA-BÁ PROPOSTA LEI KILAT NIAN IHA TIMOR-LESTE. <http://www.timor-leste-violence.org/pdfs/Commentary-for-Timor-Leste-Draft-Arms-Law-11-Aug-08-Tetun.pdf>

⁶⁴ Fundasaun Mahein. (2014, Novembru 27). Siguransa Kilat Problematiku: Instituisaun Sivil Kontinua Forma ho Kilat. Mahein Nia Lian Nú. 91. http://www.fundasaunmahein.org/wp-content/uploads/2014/11/MNL_Nu.91_27112014_Forma-ho-Kilat_Tetun.pdf



Konkluzaan

Jeralmente FM apresia asaun pozitivu sira ne'ebé Governu foti liu husi politika osamentu no lejlazalaun sira hodi bele responde dezafiu no ameasa sira ba situasaun siguransa iha Timor-Leste. Hanesan reforma dispilina membru F-FDTL – PNTL, fortifika sigurasan fronteira, hadi'a no fortifika dezempenhamentu instituisaun, hadi'a transparansia no akuntabilidade no lejlazalaun seluk kona-bá kombat droga no trafiku umanu iha Timor-Leste.

Liu-liu relasaun ho hanoin pozitivu sira husi estudu FM durante tinan 2014 ba asuntu tematiku sira ne'ebé mensiona iha leten. Buat hirak ne'e sai nu'udar prestiju ida ba serbisu FM tanba bele hetan *feedback* pozitivu rezultadu FM ne'ebé ho pontu rekomendasaun konstrutivu ba Governu atu hadi'a no dezenvolve diak liu tan seitór siguransa iha Timor-Leste.

Maske nune'e, tuir FM problema seluk kona-bá asuntu siguransa iha area seluk seidak hetan atensaun masimu husi Governu. Governu preziza iha politika Inter-Ministerial hodi nune'e bele hadi'a diak liu tan instituisaun militar no polisia iha futuru.

Rekomendasaun

1. Rekomenda ba Parlamentu Nasional Komisaun B atu halo fiskalizaun ne'ebé efetivu ba ezekusaun osamentu ba seitór siguransa hodi bele atinji sustentabilidade ba dezenvolvimentu seitór defeza no siguransa iha Timor-Leste.
2. Rekomenda ba Ministériu Defeza no Siguransa hadi'a infra-estrutura no rekursu umanu instituisaun siguransa iha fronteira. Inklui mos fasilita "*data base online*" ba Serbisu Migrasaun atu nune'e bele fasilita serbisu ho efikasiasia.
3. Rekomenda ba Ministériu Defeza no Siguransa atu kontinua konsidera estudu no rekomendasaun husi sosiedade sivil hodi dezenvolve seitór siguransa. Inklui, *review* fila fali esforsu sira ne'ebé halo ona durante ne'e hodi bele sukat metas susesu no dezafiu sira.
4. Rekomenda ba Ministeriu Negosius Estranjeirus no Koperasaun – MNEK atu rezolve lalais problema disputa fronteira ho Indonezia atu nune'e bele fasilita diak liu tan serbisu siguransa iha rai-ketan.
5. Rekomenda Instituisaun PNTL atu serbisu hamutuk ho autoridade lokal no komunidadade hodi fornese informasaun nune'e bele hafasil ba operasaun hasoru krime organizadu iha Timor-Leste.



Bibliografia

- Alves, Pascoal. (2014, Janeiro 19) Xefi Administrasaun Serbisu Migrasaun. Talk show iha Radio Liberdade.
- Anibal, João. (2014, Dezembro 18). Kombate Droga, Ajente Estadu Tenki Mos. Media STL.
- Fundasaun Mahein. (2014, Fevereiro 24). Sasidik Sira iha Ezekusaun Lei no Ordem Iha Ambitu Atuasau PNTL. http://www.fundasaunmahein.org/wp-content/uploads/2014/02/MNL_Nu.70_20022014_Ezekusaun1.pdf
- Fundasaun Mahein. (2014, Abril 07). Ameasa Droga Dezafiu ba Instituisaun Siguransa atu Kombate. Mahein Nia Lian Nú. 74.
- Fundasaun Mahein. (2014, Outubro 23). Sasidik no Tentativa Siguransa iha Fronteira Terestre Timor-Leste.pdf. http://www.fundasaunmahein.org/wp-content/uploads/2014/10/MNL-Nu.88_231012014_Siguransa-Fronteira_Versaun-Tetum.pdf
- Ferreira, Sonia. (2013, Agostu 05). Rekursu Humanus PNTL Sei Menus, Atu Kontrola Atividade Droga. Media STL. <http://suara-timor-lorosae.com/rekursu-humanus-pntl-sei-menus-atu-kontrola-atividade-droga/>
- Fundasaun Mahein. (2014, Setembro 30). Lakunas Siguransa Timor-Leste: Atraku ba Krime Organizadu. Mahein Nia Lian Nú. 87.
- Fundasaun Mahein. (2014, Julho 26). Alegasaun Korupsaun no Abuzu Puder iha Instituisaun Siguransa. Mahein Nia Lian. Nú. 81. http://www.fundasaunmahein.org/wpcontent/uploads/2014/06/MNL_Nu.81_26062014_Alegasaunpdf.pdf
- Ferreira, Sonia. (2013, Novembro 11). Kombate Droga iha TL, PNTL Fahe Informasaun ho TNI iha Fronteira. Media STL. <http://jornal.suara-timor-lorosae.com/kombate-droga-ih-tl-pntl-fahe-informasaun-ho-tni-ih-fronteira/>
- Fundasaun Mahein. (2014, Fevereiro 26). Komprimentu Disiplinar Dezafiu ba Instituisaun PNTL no F-FDTL. http://www.fundasaunmahein.org/wp-content/uploads/2014/02/MNL_Nu.71_26022014_Komprimentu.pdf
- Fundasaun Mahein. (2014, Julho 26). Operasaun Habelun: Reintegra ka Ameasa?. Mahein Nia Lian. Nú. 80.
- Fundasaun Mahein. (2014, Novembro 06). Pareser ba Komisaun B Parlamentu Nasional Konabá Proposta Orsamentu Jeral Estadu 2015 Ba Seitor Siguransa. <http://www.fundasaunmahein.org/wpcontent/uploads/2014/11/Microsoft-Word-PARESEROJE-2015-MDS-FINAL.pdf>
- Gusmão, Timotio. (2014, Dezembro 12). Tama Lista Mean, Governu Husu TI Tenki Diskuti Kombate Korrupsaun. Media STL. <http://suara-timor-lorosae.com/tama-lista-mean-governu-husu-ti-tenki-diskuti-kombate-korrupsaun/>



- Horta, Madalena & Ferreira, Sonia. (2013, Dezembru 05). TL-Indonesia Hamutuk Kombate Krime Organizadu. Media STL. <http://jornal.suara-timor-lorosae.com/tl-indonesia-hamutuk-kombate-krime-organizadu/>
- Ine. (2015, Janeiru 22). Indonesia, Timor Leste to establish drugs control station. Media ANTARA NEWS. <http://www.antaranews.com/en/news/97480/indonesia-timor-leste-to-establish-drugs-control-station>
- Jos. (2014, Novembru 05). PDHJ-PNTL Dezenvolve Manual Diretus Umanus. Media Timor Post.
- May. (2014, Agostu 12). Migrasaun Menus Rekursus Humanus, Husu Komando PNTL Aumenta Membru 30. Media Diariu Nasional. <http://www.jndiario.com/2014/08/12/migrasaun-menus-rekursus-humanus-husu-komando-pntl-aumenta-membru-30/>
- May. (2014, Dezembru 18). Membru F-FDTL Balun Indisiplinadu. Media Diariu Nasional.
- May. (2014, Dezembru 18). Labele Diskrimina Perdiem Ba F-FDTL Ho PNTL. Media Diariu Nasional. <http://www.jndiario.com/2014/12/18/labele-diskrimina-perdiem-ba-f-ftdl-ho-pntl/>
- Myn. (2014, Dezembru 18). Fatin Tranzito Droga Internasional: FM Husu Polisia Kopera ho Hotel Nain. Media Timor Post
- Oliveira, Venidora. (2014, Februari 25). PNTL Sei Monta Postu UPF Iha Suko Lelobata. Media The Dili Weekly. <http://www.thediliweekly.com/tl/news/security-defencejustice/12088-pntl-to-set-upf-post-in-lelobata-village>
- PNTL. (2014, Novembru 24). [PNTL-BNN no Sosiedade Sivil akordu hapara droga.](http://www.pntl.tl/2014/11/24/pntl-bnn-no-sosiedade-sivil-akordu-hapara-droga/) Media PNTL. <http://www.pntl.tl/2014/11/24/pntl-bnn-no-sosiedade-sivil-akordu-hapara-droga/>
- Paker, Sarah. (2008, Agostu 11). KOMENTÁRIU KONA-BÁ PROPOSTA LEI KILAT NIAN IHA TIMOR-LESTE. <http://www.timor-leste-violence.org/pdfs/Commentary-for-Timor-Leste-Draft-Arms-Law-11-Aug-08-Tetum.pdf>
- RDTL. (2013, Novembru 28). PNTL ho POLRI koopera kombate krime organizadu. Pajina Governu. <http://timor-leste.gov.tl/?p=9460&lang=tp>
- RDTL. (2014). Dezenvolve Rekursu Umanu Importante ba F-FDTL. Jornal Defeza.
- SAPO. (2014, Setembru 05). Governu timoroan aprova proposta lei kona-ba tráfikú no konsumu droga. <http://noticias.sapo.tl/tetum/info/artigo/1408076.htm>
- Ximenes, Lorencio. (2014, Setembru 10). GOPAC-TL Konsidera Desizaun Taur Hafraku Sistema Justisa. Media INDEPENDENTE
- Ximenes, Carme. (2014, Dezembru 15) Korupsaun Hafoer Imajen TL. Media STL.